

Astudiaeth Achos



Gardd gymunedol hen orsaf reilffordd yn cael cymorth gan Horizon

Bydd Horizon yn rhoi cymorth i weddnewid hen orsaf reilffordd adfeiliedig Llanerch-y-medd yn ardd gymunedol brysur drwy roi rhodd o'i Gynllun Rhoddion Elusennol, Cefnogaeth Gymunedol a Nawdd.

Gwnaeth Gardd Gymunedol Gorsaf Llanerch-y-medd gais am rodd i helpu i droi hen iard yr orsaf, sydd wedi gweld dyddiau gwell, yn amwynder cymunedol ac yn gynefin gwerthfawr ar gyfer bywyd gwyllt lleol.

Bydd y prosiect yn darparu gofod gwyrdd newydd i'r gymuned ei fwynhau, yn ogystal â lle i blant ysgol lleol ddysgu am yr amgylchedd a thyfu'u planhigion eu hunain.

Mae gwirfoddolwyr o'r gymuned leol eisoes wedi torchi'u llewys gyda'r gwaith cychwynnol ac mae'r rhodd gan Horizon yn golygu y gallant bellach ddatblygu eu prosiect ymhellach, gyda'r arian yn mynd tuag at brynu sied newydd i gadw'r holl offer garddio, ynghyd â phrynu cyflenwadau eraill.

Dywedodd Bella Kennett, cynrychiolydd Gardd Gymunedol Gorsaf Llanerch-y-medd: "Rydym yn ddiolchgar am gefnogaeth Horizon i'r Prosiect, mae'r rhodd wedi ein helpu i symud ymlaen â'n cynlluniau a gobeithio y bydd gennym ardd gymunedol hyfryd cyn bo hir.

"Rydym yn edrych ymlaen at weddnewid iard yr hen orsaf reilffordd yn ased gwerthfawr i'r gymuned. Bydd yn rhoi rhywle i bobl leol ymlacio a mwynhau'r gerddi, yn ogystal â rhoi cyfle i bobl wella'u sgiliau DIY o bosibl drwy chwarae rhan yn y gwaith tirlunio."

Os oes gennych chi ddiddordeb mewn ymwneud â thîm Gardd Gymunedol Gorsaf Llanerch-y-medd, neu os ydych eisiau dilyn hynt yr ardd wrth iddi ddatblygu gallwch ymweld â [Gardd Gymunedol Gorsaf Llanerch-y-medd](#) ar Facebook.



YR AMGYLCHEDD

ADDYSG A SGILIAU

CYMUNEDAU

